

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de**  
**Antverpiae, 1664**

§. III. Per malam rerum publicarum administrationem regna perdi,  
regnorumque fortunam transferri ostenditur: idque quatuor modis.

**urn:nbn:de:hbz:466:1-13517**

*in humanis rebus preter umbram auramque leuissimam sine mord  
prætervolantem: eunt enim vltro citroque velut aestuaria.*

Hæc verò ideo à me dicta sunt, vt nemo, qui vel patriæ suæ calamitates, vel etiam occasus prospicit, miretur id iam fieri, quod toto passim orbe, omnibusque retro sæculis fecit Deus. Splendidissimæ olim ciuitates iam aut ruinæ aut merae voces sunt: siluæ & nemora, modò sunt fortunarum, musarumque domicilia. Integræ olim nationes, iam in chartis tantummodo historijsque sunt conspicuæ; obscuræ quondam gentes, nunc in ore oculisque sunt omnium. Ita fit, ita agit Deus. Et tamen *Iustus Dominus in omnibus vijs suis, & sanctus in omnibus ope- psal.14. ribus suis.*

## §. III.

*Per malam rerum publicarum administrationem regna perdi, re-  
gnorumque fortunam transferri ostenditur. Idque quatuor  
modis.*

*Bellorum  
tumultus  
excitatur,  
quando re-  
gnis fortu-  
nam alio  
transfue-  
re statuit  
Deus.*

**H**oc itaque Dei consilium, procul dubio sanctum & justum quia Dei est, secum accuratè qui considerat, non mirabitur is, multoque minus indignabitur, tot bellorum tumultibus, tot cladibus, tot ruinis orbem vniuersum concuti & inuolui. An enim quisquam, etiam priuatus homo, ædes mutat supellectilem que alio transfert, sine strepitu, sine fragore, sine curruum vltro citroque commeantium, bonaque transfuehentium tumultu? an supellex ipsa, lecti, tabulæ, mensæ, imagines, tapetia, & quidquid demum in ædibus deserendis erat ornamenti, deponi & conuasari potest, sine malleorum ictibus, parietumque crebro concussu? Hæc qui miratur fieri, nescit sanè quid sit ex ædibus in alias transmigrare. Ita prorsus tecum statue. Audis tympana, tubasque perstrepercere, hostiles copias in Provinciam irruere, vastari campos, superari moenia, spoliari vrbes, omnia clamoribus personare; & hæc miraris? Non miror ego. Migrant in aliam regionem Regna integra & Imperia, migrat cum omni supelleæ & ile nusquam diu quieta fortuna; & tantam mutationem vis fieri sine tumultu? detrahuntur in veteri æde ornamenta, cum campi

campi ciuitatesque exuuntur bonis, aliò transferenda sunt; hostiles copiæ, baiuli sunt, quorum manibus fortuna, Deo sic volente transuehitur; & quis in tantâ re conficiendâ, allaborantium operi militum inconditas voces, populi clamores, ædiumque deferendarum ruinas mirabitur, cui perspectum est, ingenitatem magnâque supellectile instructam fortunam, alias terras petere, aliò transmigrare?

19. Ita sanè sit. Regna transferre, aut certè potentiam felicitatemque alicuius Prouinciæ imminuere, nimiumque fastum deprimere iustô iudicio cum constituit æquus Deus; bella impensis suscitari permittit, idque aut hominum in mimiâ felicitate superbientium vitio, aut alieno inhiantum cupiditate, aut vicanorum Regum inuidiâ, aut iniuriarum vlciscendarum iustâ an iniustâ non dispuo, præproperâ tamen & præferuidâ vindictâ. Floret opibus Regnum aliquod; & prout sit, vbi fortunâ turgent Regna, vicinis Prouincijs impotentius dominantur; tandem in iras consurgunt contempti populi; fœdera inter se ineunt; exacuitur cupiditas spe prædæ opulentæ, & verò etiam dominandi libidine. Illico denuntiantur bella, sit fragor ad signa conuolantium vndique populorum, expediuntur arma, conseribuntur milites, totaque sub equorum, curruum, tormentorumque pondere tremit tellus. Quid hocce demum rei est inquis? Nihil est planè, nisi quod baiuli aduolent, quorum humeris, aut tota aut magna saltē pars felicitatis, quæ in Republicâ hâc erat nimia, transtuehatur.

20. An verò id passura est, inquires, Prouincia tam opulenta? militie abundat, & quidem tot victorijs exercitato quot bellis, opes ad manum sunt, duces habet militia consilioque præclarissimos; an non & ipsa, quæ ab hostibus impetratur & forte contra omne fas, Prouincia manus & arma expediet? Expediet proculdubio, & frustra expediet. Quælo admirabiles sed tamen *iustas vias Domini*, quibus ad destinatum sibi finem tandem peruenit *sancitus Deus*, mecum si placet perpendite. Cùm Regnum aliquod quantumvis opulentum, validissimoque instructum milite, aut planè pessum dare, aut saltē deprimere Numen constituit; vt arma viresque eneruet, consilium prius, sagacitatem, prudenteriamque eorum qui publico inuigilant, aut adimit, aut sopit, aut etiam in transuersum agit & perdit. Et hæc quidem quia

*Quomodo  
destruatur  
Republ-  
ica.*

prima sic & maxima est Rerum publicarum Regnorumque calamitas, & verò etiam ruina. *Frustra enim sunt arma foris, si non est consilium domi.* Libet tamen singulos, per quos in ima descenditur, gradus attentiùs considerare.

*Primo per Regum in-  
curiam.*

*Secundo  
per Mag-  
natū mala  
consilia.*

*Tertio per  
Magis-  
trum in-  
curiam.*

Primò enim, quid bonæ rei sperari potest, vbi Rex ipse populi rectores, iura neque humana neque Diuina perpendunt? non consilio aguntur, sed ita libidineque dominandi aut imperandi abripiuntur; non prudentiā sed temeritate bella & indicunt & gerunt; neque recta suadentes audiunt, neque sana consilia admittunt, sed pro libitu agunt omnia, dum ab effervescente nimium spiritu aguntur ipsi? quis huic Republicæ non metuat, quam in ipso capite conspicit perturbatam?

Deinde, quid si Regi primores desint, viri litteris, iuris peri-  
tiā, animi moderatione, bonique communis appetentia impri-  
mis conspicui; qui Regnum leges & expendant & temperent,  
pro rerum temporumque varietate? Quid si ij ad clavum se-  
deant, quibus ius fasque in auro est quod passim à prouincialibus emungunt; quibus æs publicum priuati iuris est; quibus Deus & Religio tam diu placet, quamdiu Politia seruit; quibus ipsa demum Politia, Regnique salus domesticæ famulatur economiæ? Quid si, inquam, eiusmodi colluuiis in pretio sit, effemina-  
minatique auscultentur assentatores, viri verò ad virtutem æ-  
quitatemque facti aut ignoti sint, aut si noscantur fint contem-  
ptui; in quas non syrtes impinget, eiusmodi rectoribus guber-  
nata Respublica? Certè non aliam ob causam, distractum est Israëlis Regnum: decemque omnino tribus rebellione abreptas, ab insano sapientissimi Salomonis filio Roboamo recessisse, te-  
stantur sacræ paginæ, quod effervescentium primo sanguinis ca-  
lore iuuenum, quibuscum fuerat enutritus, vesaniam consulue-  
rit, contemptis sana suadentium seniorum canis, eorum inquam qui rebus agendis sub Salomone insenuerant. *Dereliquit Roboam* <sup>3. Reg. 23</sup> *consilium senum quod dederant ei, & adhibuit adolescentes qui nux-  
triti fuerat cum eo, & assistebant illi,* inquit facer textus. Assiste-  
bant iuvenes & satui, illique consiliis dum assistunt, discedunt iusto furore abreptæ tribus decem. luditur ab adolescentibus in  
senatu, & isthic dum luditur, illuditur Roboamo, & perit Re-  
gnum.

Tertiò, vt iam sana sit Regum mens, communis boni perquam <sup>23</sup> studiosa;

studiosā; vt viros omni peritiā probitateque commendatos sanctioribus consiliis adhibeat; vt hi omnia rerum momenta sedulō perpendant, decretaque populis militiæque saluberrima statuant: quid hæc omnia ad communem incolumitatem conferent, si mandata per inferiores magistratus in ciuitatibus infringantur, aut executioni non mandentur, aut non seriò sed per ignauiam exigantur, aut certè à plebe per tumultum & seditiones concitata contemnantur? An non pesum ire dixeris, his moribus corruptam Republicam?

24. Quartò denique, sī ea quibus Provincia defendi debet arma, in igni uorum Imperatorum manus tradi conspicimus; aut si viri quidem sint qui imperant, imbelles tamen seditiososque, nec disciplinæ militari assuetos milites nanciscantur: aut si fortissimi quidem sint milites, ducum tamen, vt quos effeminatos vident, indignabundi detrectent imperia, nec eorum consiliis acquiescant, ac propterea inuiti signa quasi per vim sequantur; quid demum felicitatis ab hoc exercitu sperari potest? nonne actum dices cum tam perturbatâ republicâ? neque iam opes, aut virtutem bellicam, neque prudentiæ famam, neque relatas olim victorias, neque splendorem urbium, neque armorum copiam quidquam conducere, nisi vt maiori sint hostibus ludibrio, luctentiorique pateant & prædæ & ruinæ? His sanè modis perdita sunt quotquot periere imperia; & quæ non periere omnino, his tamen artibus è fastigio sunt deiecta, & depressa.

*Quartò per  
populariū  
ignauians  
& inobe-  
dientiam.*

#### §. IV.

*Vt regni felicitatem imminuat Deus, permittit mala consilia Regum, ignauiam militibus immittit, Praefectorum insolentiam, populique dissensiones excitat.*

25. **A** Gedum nunc, Reipublicæ fatiscentis plagas qui consideras: quo tandem auctore infligi eas arbitraris tu? Certe si adiacentes rerum circumstantias, easque quæ rebus agendis proximè adhibentur manus attendimus, scio te, cum vulgo, Reges ipsos incusaturum; Optimatum arrogantiæ, Imperatorum imperitiæ aut ignaviæ, Magistratum socordiæ, populi dissentionibus, publica

*Quoniam  
bis modis  
vittur  
Deus, cum  
castigare  
vuli regna*